



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-1/21-3-40-286-4/23**
Datum: **20.07.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Elin Motors Bosnia“ d.o.o. Živinice za donošenje rješenja o vodnoj dozvoli za ispuštanje oborinskih onečišćenih voda sa lokacije pogona za proizvodnju vjetro generatora i elektromotora, lokalitet Maline-Ljubače, Grad Živinice, na zemljištu označenom kao k.č. broj:1151/1 i k.č. broj:1153/5 upisane u K.O. Spreča, Maline, Živinice, na osnovu člana 109. stav (1) tačke 2. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Elin Motors Bosnia“ d.o.o. Živinice daje se vodna dozvola za ispuštanje oborinskih onečišćenih voda sa lokacije pogona za proizvodnju vjetro generatora i elektromotora, lokalitet Maline-Ljubače, Grad Živinice, na zemljištu označenom kao k.č. broj:1151/1 i k.č. broj:1153/5 upisane u K.O. Spreča, Maline, Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (kanali i slivnici, kanalizaciona mreža, separator ulja i masti tip Aquareg 150 bp 15, kapaciteta $Q=30l/s$ i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Prečišćene vode prije ispuštanja u recipijent trebaju ostati u maksimalno dozvoljenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 26/20 i 96/20).
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
 - 3.6. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u članu 14. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.8. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.9. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima pogona za proizvodnju vjetra generatora i elektromotora, lokalitet Maline-Ljubače, Grad Živinice obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog pogona za proizvodnju vjetra generatora i elektromotora, lokalitet Maline-Ljubače, Grad Živinice, za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Elin Motors Bosnia“ d.o.o. Živinice obratio se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda sa lokacije pogona za proizvodnju vjetra generatora i elektromotora, lokalitet Maline-Ljubače, Grad Živinice, na zemljištu označenom kao k.č. broj:1151/1 i k.č. broj:1153/5 upisane u K.O. Spreča, Maline, Živinice. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Rješenje o izmjenama podataka, broj:032-0-Reg-23-000651 od 25.04.2023. godine izdato od strane Općinskog suda u Tuzli – ovjerena kopija,
- Uvjerjenje o poreznoj registraciji od 14.07.2015. godine izdato od strane Kantonalnog poreznog ureda u Tuzli - ovjerena kopija,
- Uvjerjenje o registraciji u Jedinstveni registar obveznika indirektnih poreza, broj:04/1-17-1-UPJR/1-4709-2/15 od 30.07.2015. godine izdato od strane Uprave za indirektno-neizravno oporezivanje Banja Luka - ovjerena kopija,
- Odluka o promjeni ovlasti u zastupanju zamjenicima direktora, OPU-OV broj:3855/2023 od 05.06.2023. godine - ovjerena kopija,
- Rješenje o odobrenju za građenje, broj:04/3-19-3221/2021 od 27.04.2021. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice - ovjerena kopija,
- Rješenje o promjeni imena investitora u odobrenju za građenje, broj:04/3-19-953/2020 od 21.02.2020. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice - ovjerena kopija,

- Rješenje o odobrenju za građenje, broj:04/7-23-4509/19 od 22.11.2019. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice - ovjerena kopija,
- Rješenje o odobrenju za građenje, broj:04/7-23-4648/19 od 22.11.2019. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice - ovjerena kopija,
- Rješenje o odobrenju za građenje, broj:04/7-23-1359/19 od 25.03.2019. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice - ovjerena kopija,
- Rješenje, broj:05/11-23-2716/17 od 07.08.2017. godine izdato od strane Službe za prostorno planiranje i komunalne poslove općine Živinice - ovjerena kopija,
- Rješenje, broj:05/11-23-3293/16 od 16.09.2016. godine izdato od strane Službe za prostorno planiranje i komunalne poslove općine Živinice - kopija,
- Rješenje, broj:05/11-23-2296/16 od 21.06.2016. godine izdato od strane Službe za prostorno planiranje i komunalne poslove općine Živinice - ovjerena kopija,
- Rješenje o urbanističkoj saglasnosti, broj: 05/11-23-2587/15 od 16.06.2016. godine izdato od strane Službe za prostorno planiranje i komunalne poslove općine Živinice – kopija,
- Rješenje o urbanističkoj saglasnosti, broj: 05/11-23-3425/16 od 01.11.2016. godine izdato od strane Službe za prostorno planiranje i komunalne poslove općine Živinice – kopija,
- Rješenje o urbanističkoj saglasnosti, broj: 04/7-23-1584/19 od 14.10.2019. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice - kopija,
- Rješenje o urbanističkoj saglasnosti, broj: 04/11-19-966/2021 od 22.02.2021. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice - kopija,
- Rješenje o urbanističkoj saglasnosti, broj: 047-23-4504/18 od 04.02.2019. godine izdato od strane Službe za urbanističko planiranje, komunalne, geodetske i imovinsko-pravne poslove općine Živinice - kopija,
- Rješenje o urbanističkoj saglasnosti, broj: 04/7-23-2870/19 od 24.09.2019. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice - kopija,
- Rješenje o vodnoj dozvoli, broj: UP-I/25-3-40-342-4/18 od 24.07.2018. godine izdato od strane Agencije za vodno područje rijeke Save, Sarajevo – kopija,
- Rješenje o okolinskoj dozvoli, broj: UP-I 05/2-02-19-5-63/21 od 04.07.2022. godine izdato od strane Federalnog ministarstva okoliša i turizma – kopija,
- Ugovor, broj: 962-01/22 od 15.12.2022. godine potpisan sa "Kemeko-BH" d.o.o. Lukavac – kopija,
- Ugovor, broj: 2/1081/22 od 14.12.2022. godine potpisan sa "RIF POST" d.o.o. Đurđevik – kopija,
- Ugovor potpisan sa "Eko Život" d.o.o. Tuzla, broj: IP-872/17 od 04.09.2017. godine – kopija,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija:

- Glavni projekat snabdijevanja vodom i dispozicija otpadnih voda za potrebe poslovnog objekta urađen od strane „Atrius Projekt“ d.o.o. Živinice, juni 2023. godine, broj: I-162-06/23

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uviđaj na prostoru pogona za proizvodnju vjetra generatora i elektromotora, lokalitet Maline-Ljubače, Grad Živinice, na zemljištu označenom kao k.č. broj:1151/1 i k.č. broj:1153/5 upisane u K.O. Spreča, Maline, Živinice i tom prilikom sačinjen Zapisnik o izvršenom uviđaju broj: UP-1/21-3-40-286-2/23 od 17.07.2023. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Proizvodna hala firme "Elin Motors Bosnia" d.o.o. Živinice se nalazi s lijeve strane lokalnog putnog pravca Ljubače-Suha, Grad Živinice, na zemljištu označenom kao k.č. broj: 1151/1 i k.č. broj:1153/5 upisane u K.O. Spreča, Maline, općina Živinice.

- U proizvodnom dijelu hale vrši se viklovanje električnih motora i vjetro generatora. Radni proces zasnovan je na uvozu dijelova za motore, njihovo sklapanje, formiranje namotaja, ubacivanje namotaja u rotore i statore, impregnacija istih, pečenje na odgovarajućoj temperaturi, balansiranje motora, lakiranje i finalno sklapanje vjetro generatora. Nakon kompletiranja motora vrši se njegova kontrola te priprema za transport i privremeno skladištenje u objektu pod nadzorom do transporta robe kupcu.
- Impregnacija se odvija u zatvorenom reaktoru u prostoriji sa otvorima za ventilaciju i sa vratima za evakuaciju. Sam proces impregnacije se odvija sa smolom bez korištenja vode jer bi naštetilo kvalitet smole a samim time i kvalitet proizvodnje.
- Lakiranje se odvija u potpuno zatvorenom prostoru sa definisanim dovodom i odvodom zraka.
- Tehnološki proces viklovanja motora ne zahtijeva korištenje vode. Čišćenje podnih površina unutar hale vrši se tzv. suhim postupkom. Kompletan proces proizvodnje se odvija u zatvorenom prostoru-proizvodnoj hali.
- U proizvodnom procesu se koriste mašine za mašinsku obradu, CNC mašine i različiti roboti-ABB roboti.
- Komunalni čvrsti otpad po ugovoru zbrinjava „RIF POST“ d.o.o. Živinice.
- Otpad od proizvodnje koji je klasificiran kao opasni otpad zbrinjava, po ugovoru „Kemis-BH“ d.o.o. Lukavac.
- Čišćenje separatora ulja i masti, po ugovoru vrši „Kemis-BH“ d.o.o. Lukavac.
- U skladu sa zakonskim standardima „Elin Motors Bosnia“ d.o.o. potpisao je ugovor sa firmom „Eko Život“ d.o.o. Tuzla za aktivnosti upravljanja otpadom.
- Skladištenje boja, lakova, masti, ulja, smola, bakra i drugih komponenti koje se koriste u postupku lakiranja, impregnacije, podmazivanja i sl. vrši se u okviru proizvodne hale, u namjenskom prostoru, na namjenskim policama u obilježenom kontejneru, sa tankvanom u okviru kontejnera i polica, pod nadzorom.
- Snadbijevanje potrebnim količinama sanitarne vode se vršiti preko mjesnog vodovoda.
- Kotlovnica predmetnog objekta je montažnog tipa sastavljena od dvije kontejnerske jedinice. Jedna jedinica se koristi za smještaj kotla, a ispred kontejnera se nalazi silos za skladištenje peleta.
- Sistem fekalne kanalizacije riješen je lokalno. Fekalne otpadne vode se ulijevaju u biološke uređaje za tretman fekalnih otpadnih voda SBR_REG_30, a zatim se preko okana za monitoring ispuštaju u zacjevljeni kanal koji ih odvodi do recipijenta - Bara u Lugovima koja se ulijeva u potok Brestovik, te dalje u rijeku Spreču.
- Oborinske vode sa pristupne saobraćajnice i svih saobraćajnih površina, manipulativnih površina te parking prostora odvođe se putem slivnika sa rešetkama do separatora ulja Aquareg 150 bp 15, $Q=30l/s$. Tretirane vode ispuštaju u ucjevljeni kanal koji ih odvodi do recipijenta. Ucjevljenim kanalom u dužini od cca 120 m odvodi prečišćena voda iz separatora ulja i masti zajedno sa tretiranim sanitarno fekalnim vodama do Bara u Lugovima koja se na zapadu ulijeva u potok Brestovik, te u konačnici se ulijeva u rijeku Spreču.
- Analiza rezultata uzorkovanja sa mjernog mjesta E1 zaključuje da nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u prirodne recipijente i sistema javne kanalizacije. Uzorak je analiziran i Izvještaj je sačinjen od strane Institut za hemijsko inženjerstvo Tuzla, maj 2023. godine.
- U period od izdavanja posljednjeg rješenja o vodnoj dozvoli, broj: UP-I/25-3-40-342-4/18 od 24.07.2018. godine izdatog od strane Agencije za vodno područje rijeke Save, Sarajevo, pravno lice je izvršilo dogradnju poslovno proizvodnog kompleksa, tj. izgrađena je još jedna hala površine cca 5000 m² koja predstavlja kontinuitet u prostoru i jedinstvenu cjelinu, pod nadzorom i kontrolom.
- Radi se o nadzemnom objektu u kojem se vrše proizvodne aktivnosti i koja u suštini predstavlja fazu obrade i skladištenja gotovih proizvoda. Vanjska mreža za prikupljanje oborinskih onečišćenih voda je ostala ista. Tačnije, prikupljanje oborinskih onečišćenih voda se vrši preko izgrađenog sistema slivnika sa rešetkama i revizionim oknima, njihovom tretmanu na separatoru ulja i masti i ispuštanju preko monitoring okna u prirodni recipijent.
- Za izgradnju nove hale (proširenje postojeće) investitor je od nadležnih opštinskih i gradskih službi ishodovao Rješenja o urbanističkim saglasnostima i Rješenja o građevinskim dozvolama. Od nadležnih organa ishodovane su upotrebne dozvole za sve objekte.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog pogona za proizvodnju vjetro generatora i elektromotora, lokalitet Maline-Ljubače, Grad Živinice i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 115 - 118. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Elin Motors Bosnia“ d.o.o. Živinice ispunio minimum uslova za izdavanje vodne dozvole za ispuštanje oborinskih onečišćenih voda sa prostora pogona za proizvodnju vjetro generatora i elektromotora, lokalitet Maline-Ljubače, Grad Živinice, na zemljištu označenom kao k.č. broj:1151/1 i k.č. broj:1153/5 upisane u K.O. Spreča, Maline, Živinice, te je riješeno kao u dispozitivu ovog Rješenja. Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-286-2/23 od 18.07.2023. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr. Selma Merdan, dipl.inž.geol.

Prilog: Tehnička dokumentacija navedena pod tačko B obrazloženja rješenja

Po ovlaštenju

Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „Elin Motors Bosnia“ d.o.o. Živinice
Maline-Ljubače do br. 256, Put Suha, Živinice, (kao u prilogu),
- AVP Sava, ISV – Vodna knjiga,
- Sektor 50,
- Ⓞ Sektor 40, arhiva,
- Oglasna ploča-AVP Sava